

ՄՍՀՄ Գերագույն Սովետի Նախագահության Հրամանագիրը

ԱԴՐԲԵՋԱՆԱԿԱՆ ՍՍՀ ԼԵՌՆԱՅԻՆ ՂԱՐԱԲԱՂԻ ԻՆՔՆԱՎԱՐ ՄԱՐԶՈՒՄ ԿԱՌԱՎԱՐՄԱՆ ՅԱՏՈՒԿ ՉԵՒ ՍՏԱՆԱԼՈՒ ՄԱՍԻՆ

Լեռնային Ղարաբաղի Ինքնավար Մարզում եւ նրա առնչութեամբ ազգամիջեան յարաբերութիւնների շարունակուող լարուածութեան կապակցութեամբ, նպատակ ունենալով կանխել նրանց յետագայ սրումը եւ կայունացնել իրարութիւնն այդ ռեգիոնում, հաշտի առնելով Ադրբեջանական ՍՍՀի եւ Հայկական ՍՍՀի կուսակցական ու պետական մարմինների, ինչպէս նաեւ Ազգութիւնների սովետի յանձնաժողովի առաջարկութիւնները, ՍՍՀՄ Գերագույն սովետի նախագահութիւնը, այդ հարցը քննութեան առնելով Ադրբեջանական ՍՍՀ Գերագույն սովետի նախագահութեան հետ, ՍՍՀՄ սահմանադրութեան 119րդ յօդուածի 14րդ կէտին համապատասխան որոշում է.

1. Լեռնային Ղարաբաղի Ինքնավար Մարզում ժամանակատրապէս սահմանել կառավարման յատուկ ձեւ, պահպանելով Լեռնային Ղարաբաղի՝ որպէս Ադրբեջանական ՍՍՀի կազմում ինքնավար մարզի, ստատուսը:

Կազմել Լեռնային Ղարաբաղի Ինքնավար մարզի Յատուկ կառավարման կոմիտէ՝ ընկ. Ա.Ի. Վոյսկու նախագահութեամբ:

Դադարեցնել Լեռնային Ղարաբաղի Ինքնավար Մարզի քսաներորդ գումարման ժողովրդական դեպուտատների սովետի լիազօրութիւնները մինչեւ սովետի նոր կազմի ընտրութիւնների անցկացումը:

2. Սահմանել, որ Լեռնային Ղարաբաղի Ինքնավար Մարզի յատուկ կառավարման կոմիտէն ենթարկուում է անմիջականօրէն ՍՍՀ Միութեան պետական իշխանութեան եւ կառավարման բարձրագույն մարմիններին, լրիւ ծաւալով օժտուած է ինքնավար մարզի ժողովրդական դեպուտատների սովետի եւ նրա գործադիր կոմիտէի լիազօրութիւններով, իսկ Կոմիտէի նախագահը՝ ժողովրդական դեպուտատների մարզային սովետի գործադիր կոմիտէի նախագահի իրաւունքներով ու պարըտականութիւններով:

Յիշեալ Կոմիտէի վրայ դնել Լեռնային Ղարաբաղի Ինքնավար Մարզի պետական իշխանութեան եւ կառավարման տեղական մարմինների ղեկավարումը, ինչպէս նաեւ նրան յանձնել ժողովրդական դեպուտատների մարզային սովետի գործադիր կոմիտէի ապարատը՝ որպէս աշխատանքային մարմին:

3. Սահմանել, որ Լեռնային Ղարաբաղի Ինքնավար Մարզի տարածքում գտնուող միութենական եւ հանրապետական ենթակայութեան ձեռնարկութիւնները, հիմնարկութիւններն ու կազմակերպութիւնները, ինչպէս նաեւ նրանց մասնաձիւղերը, արտադրամասերն ու միւս կառուցուածքային ստորաբաժանումները սույն հրամանագրի գործողութեան ժամանակամիջոցում, այն հարցե-

կան ՍՍՀ Մինիստրների խորհրդի կարծիքը, ենթարկուում են Կոմիտէին:

Մամուլի, ռադիոյի եւ հեռուստատեսութեան, մասսայական ինֆորմացիայի միւս միջոցների օրգանները, հրատարակչութիւնները, պոլիգրաֆիական ձեռնարկութիւնները, ներքին գործերի մարմինները, ինչպէս նաեւ մշակութի, ժողովրդական կրթութեան, առողջապահութեան հիմնարկութիւններն ու ոչ արտադրական ոլորտի միւս կազմակերպութիւնները, անկախ իրենց ենթակայութիւնից ու գերատեսչական պատկանելութիւնից, իրենց գործունէութիւնը իրականացնում են Կոմիտէի կամ նրա լիազօրած անձանց անմիջական ղեկավարութեամբ:

Լեռնային Ղարաբաղի Ինքնավար Մարզի տարածքում դատախազութեան ու դատարանների գործունէութիւնն իրականացում է գործող օրէնսդրութեան ու այն կարգի համաձայն, որ կը սահմանեն համապատասխանաբար ՍՍՀՄ գլխաւոր դատախազը, ՍՍՀՄ արդարադատութեան մինիստրութիւնը եւ ՍՍՀՄ գերագույն դատարանը:

4. Լեռնային Ղարաբաղի Ինքնավար Մարզի Յատուկ կառավարման կոմիտէին իրաւունք տալ.

դադարեցնել Լեռնային Ղարաբաղի Ինքնավար Մարզի ժողովրդական դեպուտատների շրջանային, քաղաքային, գիւղական, աւանային սովետների, նրանց գործադիր եւ կարգադիր մարմինների լիազօրութիւնները, ինչպէս նաեւ նշանակել յիշեալ տեղական սովետների ընտրութիւններ եւ կազմակերպել դրանց անցկացումը.

դադարեցնել հասարակական կազմակերպութիւնների եւ ինքնագործ միաւրումների՝ ՍՍՀՄ սահմանադրութեանն ու օրէնսդրութեանը հակասող գործունէութիւնը կամ, անհրաժեշտութեան դէպքում, արձակել դրանք: Հանրապետական կամ ընդհանուր միութենական մարմիններ ունեցող նշուած կազմակերպութիւնների ու միաւրումների գրանցումը կամ արձակումը կատարուում է այդ մարմինների հետ համաձայնեցնելով.

անհրաժեշտութեան դէպքում պետական, տնտեսական եւ սոցիալ-կուլտուրական շինարարութեան հարցերի առթիւ առաջարկութիւններ ներկայացնել անմիջականօրէն ՍՍՀՄ Գերագույն սովետի նախագահութիւն, ՍՍՀՄ Մինիստրների խորհուրդ, ՍՍՀՄ մինիստրութիւններ, պետական կոմիտէներ ու գերատեսչութիւններ:

5. Լեռնային Ղարաբաղի Ինքնավար Մարզի տարածքում ժամանակատրապէս դադարեցնել «Պետական ձեռնարկութեան (միաւորման) մասին» ՍՍՀՄ օրէնքի 6րդ յօդուածի 2րդ, 3րդ կէտերի ու 5րդ կէտի երրորդ պարբ. եւ 7րդ յօդուածի գործողութիւնը:

6. Ադրբեջանական ՍՍՀ Գերագույն սովետի նախագահութեանը՝ ընդունել սույն հրամանագրից բխող համապատասխան որոշումներ:

7. Սույն հրամանագիրը կիրարկել 1989 թուականի Յունուարի 20ից:

ՍՍՀՄ Գերագույն Սովետի Նախագահութեան Նախագահ՝

Մ. ԿՈՐՊԱՉՈՎ

ՍՍՀՄ Գերագույն Սովետի Նախագահութեան Քարտուղար՝

Թ. ՄԵՆՔԵՇԱՇՎԻԼԻ